

中阿含經

第五十

二百六十四
清十

49401



中阿含經卷第五十

東晉剡賓三藏瞿曇僧伽提婆譯

大品第二經有十

第五後誦



清

加樓烏陀夷 牟梨破群那 跋陀阿濕貝

周那優婆離 調御癡慧地 阿梨吒唎帝

大品加樓烏陀夷經第一

我聞如是一時佛遊鴛伽國中與大比丘眾俱往至阿耨那住捷若精舍尔時世尊過夜



平旦著衣持鉢入阿耨那而行乞食食訖中後收舉衣鉢澡洗手足以尼師檀著於肩上往至一林欲晝經行尊者烏陀夷亦過夜平旦著衣持鉢入阿耨那而行乞食食訖中後

收舉衣鉢澡洗手足以尼師檀著於肩上隨侍佛後而作是念若世尊今晝行者我亦至彼晝行於是世尊入彼林中至一樹下敷尼師檀結跏趺坐尊者烏陁夷亦入彼林去佛不遠至一樹下敷尼師檀結跏趺坐今時尊者烏陁夷獨在靜處宴坐思惟心作是念世尊爲我等多所饒益善逝爲我等多所安隱世尊於我除衆苦法增益樂法世尊於我除無量惡不善之法增益無量諸善妙法尊者烏陁夷則於晡時從宴坐起往詣佛所稽首佛足却坐一面世尊告曰烏陁夷無有所乏安隱快樂氣力如常耶尊者烏陁夷白曰唯

然世尊我無所乏安隱快樂氣力如常世尊
復問曰烏陀夷云何汝無所乏安隱快樂氣
力如常耶尊者烏陀夷答曰世尊我獨在靜
處宴坐思惟心作是念世尊爲我等多所饒
益善逝爲我等多所安隱世尊於我除衆苦
法增益樂法世尊於我除無量惡不善之法
增益無量諸善妙法世尊昔時告諸比丘汝
等斷過中食世尊我等聞已不堪不忍不欲
不樂若有信梵志居士往至衆園廣施作福
我等自手受食而世尊今教我斷是善逝教
我絕是復作是說此大沙門不能消食然我
等於世尊威神妙德敬重不堪是故我等斷

中後食復次昔時世尊告諸比丘汝等斷夜
食世尊我等聞已不堪不忍不欲不樂於二
食中最上最妙最勝最美者而世尊今教我
斷是善逝教我絕是復作是說此大沙門不
能消食世尊昔時有一居士多持種種淨妙
食飲還歸其家勅內人曰汝等受此舉著一
處我當盡共集會夜食不為朝中世尊若於
諸家施設極妙最上食者唯有夜食我為朝
中而世尊今教我斷是善逝教我絕是復作
是說此大沙門不能消食然我等於世尊威
神妙德敬重不堪是故我等斷於夜食世尊
我復作是念若有比丘非時入村而行乞食

或能逢賊作業不作業或逢虎逢鹿或逢虎
鹿或逢狗逢羆或逢豹羆或任如是處或逢
惡爲惡馬惡牛惡狗或值蛇聚或得凶擲或
得杖打或墮溝瀆或墮廁中或乘卧牛或墮
深坑或入刺中觀見空家入如是家若彼入
已女人見之或呼共行惡不淨行世尊昔一
比丘夜闇微雨睽睽掣電而非時行入他家
乞食彼家婦人亦時出外洗蕩食器彼時婦
人於電光中遙見比丘謂爲是鬼見已驚怖
身毛皆豎失聲大呼即便墮身而作是語尊
是鬼真是鬼時彼比丘語婦人曰妹我非鬼
我是沙門今來乞食亦時婦人恚罵比丘至

苦至惡而作是語今此沙門命根早斷今此沙門父母早死今此沙門種族絕滅今此沙門腹裂破壞禿頭沙門以黑白纏無子斷種汝寧可持利刀自破其腹不應非時夜行乞食咄此沙門而墮我身世尊我憶彼已便生歡悅世尊我因此歡悅遍充滿體正念正智生喜止樂定世尊我因此定遍充滿體正念正智如是世尊我無所乏安隱快樂氣力如常世尊嘆曰善哉善哉烏陀夷汝今不介如彼癡人彼愚癡人我為其說汝等斷此彼作是說此是小事何足斷之而世尊今教我斷此善逝令我絕此亦如是說此大沙門不能

消食彼不斷此彼但於我生不可不忍及餘
比丘善護持戒者亦復爲彼生不可不忍爲
烏陁夷彼癡人所縛極堅極牢轉增轉急不
可斷絕不得解脫烏陁夷猶如有蠅爲涕唾
所縛彼在其中或苦或死烏陁夷若人作是
說彼蠅所縛不堅不牢不轉增急而可斷絕
則得解脫者爲正說耶尊者烏陁夷白曰不
也世尊所以者何蠅爲涕唾所縛彼於其中
或苦或死是故世尊彼蠅所縛極堅極牢轉
增轉急不可斷絕不得解脫烏陁夷彼愚癡
人我爲其說汝等斷此彼作是說此是小事
何足斷之而世尊今教我斷此善逝令我絕

此亦如是說此大沙門不能消食彼不斷此
彼但於我生不可不忍及餘比丘善護持戒
者亦復爲彼生不可不忍烏陁夷彼癡人所
縛極堅極牢轉增轉急不可斷絕不得解脫
烏陁夷若族姓子我爲其說汝等斷此彼不
作是說此是小事何足斷之而世尊今教我
斷此善逝令我絕此亦不如是說此大沙門
不能消食彼便斷此彼不於我生不可不忍
及餘比丘善護奉戒者亦不爲彼生不可不
忍烏陁夷彼族姓子所縛不堅不牢不轉增
急而可斷絕則得解脫烏陁夷猶如烏王年
至六十而以憍傲摩訶能伽牙足體具筋力

熾盛彼所堅縛若努力轉身彼堅縛者則便
斷絕還歸本所烏陁夷若人作是說彼大魚
王年至六十而以僑傲摩訶能伽牙足體具
筋力熾盛彼縛極堅極牢轉增轉急不可斷
絕不得解脫者爲正說耶尊者烏陁夷白曰
不也卅尊所以者何彼大魚王年至六十而
以僑傲摩訶能伽牙足體具筋力熾盛彼所
堅縛若努力轉身彼堅縛者則便斷絕還歸
本所卅尊是故彼大魚王年至六十而以僑
傲摩訶能伽牙足體具筋力熾盛彼縛不堅
不牢不轉增急而可斷絕則得解脫如是烏
陁夷彼族姓子我爲其說汝等斷此彼不作

是說此是小事何足斷之而世尊今教我斷
此善逝令我絕此亦不如是說此大沙門不
能消食彼便斷此彼不於我生不可不忍及
餘比丘善護持戒者亦不為彼生不可不忍
烏陁夷彼族姓子所縛不堅不牢不轉增急
而可斷絕則得解脫烏陁夷若有癡人我為
其說汝等斷此彼作是說此是小事何足斷
之而世尊今教我斷此善逝令我絕此亦如
是說此大沙門不能消食彼不斷此彼但於
我生不可不忍及餘比丘善護持戒者亦復
為彼生不可忍烏陁夷彼癡人所縛極堅極
牢轉增轉急不可斷絕不得解脫烏陁夷猶

貧窮人無有錢財亦無勢力彼有一婦其眼
復瞎醜不可愛唯有一屋崩壞穿漏烏鳥所
栖弊不可居而有一床復破折壞弊不可卧
止有一瓶缺不可用彼見比丘食訖中後淨
洗手足敷尼師壇坐一樹下清涼和調修增
上心彼見已而作是念沙門為快樂沙門如
涅槃我惡無德所以者何我有一婦其眼復
瞎醜不可愛不能捨離唯有一屋崩壞穿漏
烏鳥所栖弊不可居不能捨離而有一牀復
破折壞弊不可卧不能捨離止有一瓶缺不
可用不能捨離愛樂比丘剃除鬚髮著袈裟
衣至信捨家無家學道烏施夷若人作是說

彼貧窮人無有錢財亦無勢力所縛不堅不
牢不轉增急而可斷絕則得解脫者為正說
耶尊者烏陁夷白曰不也世尊所以者何彼
貧窮人無有錢財亦無勢力有一瞎婦醜不
可愛不能捨離唯有一屋崩壞穿漏烏鳥所
搗弊不可居不能捨離而有一牀復破折壞
弊不可卧不能捨離止有一瓶缺不可用不
能捨離愛樂比丘剃除鬚髮著袈裟衣至信
捨家無家學道世尊是故彼貧窮人無有錢
財亦無勢力所縛極堅極牢轉增轉急不可
斷除不得解脫如是烏陁夷若有癡人我為
其說汝等斷此彼作是說此是小事何足斷

之而世尊今教我斷此善逝令我絕此亦如是說此大沙門不能消食彼不斷此彼但於我生不可不忍及餘比丘善護持戒者亦復為彼生不可不忍烏陁夷是故彼癡人所縛極堅極牢轉增轉急不可斷絕不得解脫烏陁夷若族姓子我為其說汝等斷此彼不作

是說此是小事何足斷之而世尊今教我斷此善逝令我絕此亦不如是說此大沙門不能消食彼便斷此彼不於我生不可不忍及餘比丘善護持戒者亦不為彼生不可不忍烏陁夷是故彼族姓子所縛不堅不牢不轉增急而可斷絕則得解脫烏陁夷猶如居士

居士子極大富樂多有錢財畜收產業不可
稱計封戶食邑米穀豐饒及若干種諸生活
具奴婢爲馬其數無量彼見比丘食訖中後
淨洗手足敷尼師壇坐一樹下清涼調和修
增上心彼見已而作是念沙門爲快樂沙門
如涅槃我寧可捨極大富樂金寶財穀爲馬
奴婢愛樂比丘剃除鬚髮著袈裟衣至信捨
家無家學道爲隨夷若人作是說彼居士居
士子所縛極堅極牢轉增轉急不可斷絕不
得解脫者爲正說耶尊者爲隨夷白曰不也
世尊所以者何彼居士居士子彼能捨離極
大富樂金寶財穀爲馬奴婢愛樂比丘剃除

鬚髮著袈裟衣至信捨家無家學道世尊是
故彼居士居士子所縛不堅不牢不轉增急
而可斷絕則得解脫如是烏陁夷若族姓子
我爲其說汝等斷此彼不作是說此是小事
何足斷之而世尊今教我斷此善逝令我絕
此亦不如是說此大沙門不能消食彼便斷
此彼不於我生不可不忍及餘比丘善護持
戒者亦不爲彼生不可不忍烏陁夷是故彼
族姓子所縛不堅不牢不轉增急而可斷絕
則得解脫烏陁夷比丘行捨彼行捨已生欲
相應念愛樂結縛彼樂是不斷不住不吐烏
陁夷我說是縛不說解脫所以者何諸結不

善烏。陋夷結不善。故我說是縛。不說解脫。烏
陋夷比丘。行捨彼。行捨已。生欲相應念愛樂。
結縛彼。不樂。是斷住吐烏。陋夷我說亦是縛。
不說解脫。所以者何。諸結不善烏。陋夷結不
善。故我說是縛。不說解脫。烏。陋夷比丘。行捨
行捨已。或時意志俱有欲相應念愛樂。結縛
遲觀速滅。烏。陋夷猶如鐵丸。鐵犁。竟日火燒。
或有人著二三滴水。滸滸不續。水便速盡。烏。
陋夷如是比丘。行捨彼。行捨已。或時意志俱
有欲相應念愛樂。結縛遲觀速滅。烏。陋夷我
說亦是縛。不說解脫。所以者何。謂結不善烏。
陋夷結不善。故我說是縛。不說解脫。烏。陋夷

俱在苦根遊行無生死於無上愛盡善心解
脫烏陁夷我說解脫不說是縛所以者何諸
結已盡烏陁夷諸結盡故我說解脫不說是
縛烏陁夷有樂非聖樂是凡夫樂病本癱本
箭刺之本有食有生死不可修不可習不可
廣布我說於彼則不可修烏陁夷有樂是聖
樂無欲樂離樂息樂正覺之樂無食無生無
可修可習可廣布我說於彼則可修也烏陁
夷云何有樂非聖樂是凡夫樂病本癱本箭
刺之本有食有生死不可修不可習不可廣
布我說於彼不可修耶若因五欲生樂生善
者是樂非聖樂是凡夫樂病本癱本箭刺之

本有食有生死不可修不可習不可廣布我
說於彼則不可修烏陁夷云何有樂是聖樂
無欲樂離樂息樂正覺之樂無食無生死可
修可習可廣布我說於彼則可修耶烏陁夷
若比丘離欲離惡不善之法至得第四禪成
就遊者是樂是聖樂無欲樂離樂息樂正覺

清

中阿含經五十一

八

五

之樂無食無生死可修可習可廣布我說於
彼則可修也烏陁夷比丘離欲離惡不善之
法有覺有觀離生喜樂得初禪成就遊聖說
是移動此中何等聖說移動此中有覺有觀
是聖說移動此中何等聖說移動烏陁夷比
丘覺觀已息內靜一心無覺無觀定生喜樂

得第二禪成就遊是聖說移動此中何等聖
說移動若此得喜是聖說移動此中何等聖
說移動烏陁夷比丘離於喜欲捨無求遊正
念正智而身體樂謂聖所說聖所捨念樂住
空得第三禪成就遊是聖說移動此中何等
聖說移動若此說移動心樂是聖說移動此
中何等聖說不移動烏陁夷比丘樂滅苦滅
喜憂本已滅不苦不樂捨念清淨得第四禪
成就遊是聖說不移動烏陁夷比丘離欲離
惡不善之法有覺有觀離生喜樂得初禪成
就遊烏陁夷我說此不得無不得斷不得過
度此中何等過度烏陁夷比丘覺觀已息內

靜一心無覺無觀定生喜樂得第二禪成就
遊是謂此中過度烏陁夷我說此亦不得無
不得斷不得過度此中何等過度烏陁夷比
丘離於喜欲捨無求遊正念正智而身覺樂
謂聖所說聖所捨念樂住空得第三禪成就
遊是謂此中過度烏陁夷我說此亦不得無
不得斷不得過度此中何等過度烏陁夷比
丘樂滅苦滅喜憂本已滅不苦不樂捨念清
淨得第四禪成就遊是謂此中過度烏陁夷
我說此亦不得無不得斷不得過度此中何
等過度烏陁夷比丘度一切色想滅有對想
不念若干想無量空是無量空處成就遊是

謂此中過度烏陲夷我說此亦不得無不得
斷不得過度此中何等過度烏陲夷比丘度
一切無量空處無量識是無量識處成就遊
是謂此中過度烏陲夷我說此亦不得無不
得斷不得過度此中何等過度烏陲夷比丘
度一切無量識處無所有是無所有處成就
遊是謂此中過度烏陲夷我說此亦不得無
不得斷不得過度此中何等過度烏陲夷比
丘度一切無所有處非有想非無想是非有
想非無想處成就遊是謂此中過度烏陲夷
我說至非有想非無想處亦不得無不得斷
不得過度烏陲夷頗有一結或多或少久住

者我說不得無不得斷不得過度謂我說不
斷耶尊者烏陁夷白曰不也世尊世尊嘆曰
善哉善哉烏陁夷汝不介如彼癡人彼愚癡
人我爲其說汝等斷此彼作是說此是小事
何足斷之而世尊今教我斷此善逝令我絕
此亦如是說此大沙門不能消食彼不斷此
彼但於我生不可不忍及餘比丘善護持戒
者亦復爲彼生不可不忍烏陁夷是故彼癡
人所縛極堅極牢轉增轉急不可斷絕不得
解脫烏陁夷若有族姓子我爲其說汝等斷
此彼不作是說此是小事何足斷之而今世
尊教我斷此善逝令我絕此亦不如是說此

大沙門不能消食彼便斷此彼不於我生不
可不忍及餘比丘善護持戒者亦不為彼生
不可不忍烏陁夷是故彼族姓子所縛不堅
不牢不轉增急而可斷絕則得解脫佛說如
是尊者烏陁夷聞佛所說歡喜奉行

加樓烏陁夷經第一竟

四千四百
六十四字

中阿含大品牟犁破羣那經第二第五後誦
我聞如是一時佛遊舍衛國在勝林給孤獨
園尔時牟犁破羣那與比丘尼數共集會若
有人向牟犁破羣那比丘道說比丘尼者彼
聞已便瞋恚憎嫉乃至鬪諍若有人向諸比
丘尼道說牟犁破羣那比丘者諸比丘尼聞

已便瞋恚憎嫉乃至鬪諍衆多比丘聞已便
往詣佛瞽首佛足却坐一面向曰世尊牟犁
破群那比丘與比丘尼數共集會若有人向
牟犁破群那比丘道說比丘尼者彼聞已便
瞋恚憎嫉乃至鬪諍若有人向諸比丘尼道
說牟犁破群那比丘者諸比丘尼聞已便瞋
恚憎嫉乃至鬪諍世尊聞已告一比丘汝往
牟犁破群那比丘所而語之曰世尊呼汝一
比丘聞已唯然世尊即從座起瞽首佛足繞
三匝而去至牟犁破群那比丘所而語之曰
世尊呼汝牟犁破群那聞已來詣佛所爲佛
作禮却坐一面向世尊告曰破群那汝實與比

丘尼數共集會若有人向汝道說比丘尼者
汝聞已便瞋恚憎嫉乃至鬪諍若有人向諸
比丘尼道說汝者諸比丘尼聞已便瞋恚憎
嫉乃至鬪諍破群那汝實如是耶破群那荅
曰實尔世尊世尊復問曰破群那汝非至信
捨家無家學道耶破群那荅曰唯然世尊世
尊告曰破群那是以汝至信捨家無家學道
者應當學若有欲有念依家斷是若有欲有
念依於無欲是習是修是廣布也破群那汝
當如是學尔時世尊問諸比丘曰汝等非至
信捨家無家學道耶諸比丘荅曰唯然世尊
世尊復告諸比丘曰是以汝等至信捨家無

家學道者應當學若有欲有念依家斷是若
有欲有念依於無欲是習是修是廣布也汝
等當如是學昔時我曾告諸比丘汝等若有
比丘多所知識若有比丘少所知識彼一切
盡學一坐食學一坐食已無爲無求無有病
痛身體輕便氣力康強安隱快樂彼諸比丘
多所知識及少知識盡學一坐食學一坐食
已無爲無求無有病痛身體輕便氣力康強
安隱快樂彼諸比丘可於我心我亦不多教
訶諸比丘因此生念向法次法猶如馬車御
者乘之左手執轡右手執策隨八道行在意
所至如是諸比丘可於我心我亦不多教訶

諸比丘因此生念向法次法猶如良地有娑
羅樹林彼治林者聰明黠慧而不懈怠彼隨
時治娑羅樹根數數鋤糞以水漑灌高者掘
下下者填滿若邊生惡草芸除棄之若並生
曲戾惡不直者拔根著外若枝生橫曲則落
治之若近邊新生調直好者便隨時治數數
鋤糞以水漑灌如是彼良地娑羅樹林轉轉
茂盛如是諸比丘可於我心我亦不多教訶
我不說彼善語恭順謂因衣鉢飲食牀榻湯
藥諸生活具故所以者何彼比丘若不得是
還不善語恭順成就不善語恭順法若有比
丘爲遠離依遠離住遠離善語恭順成就善

語恭順法者我說彼善語恭順所以者何或
有一善護善逝行者謂因他無惡語言也若
他不惡語言者便不瞋恚亦不憎嫉不憂纏
任不憎瞋恚不發露惡彼諸比丘見已便作
是念此賢者忍辱溫和堪耐善制善定善息
若他惡語言者便瞋恚憎嫉而憂纏任憎恚
發惡彼諸比丘見已便作是念此賢者惡性
急弊麁獷不定不制不息所以者何比丘昔
時有居士婦名鞞陀提極大富樂多有錢財
畜牧產業不可稱計封戶食邑米穀豐饒及
若干種諸生活具亦時居士婦鞞陀提如是
大有名稱流布諸方居士婦鞞陀提忍辱堪

耐溫。和善制善定善息。尔時居士婦鞞陀提
有婢名黑本侍者。有妙善言。少多行善。彼黑
婢作是念。我大家居士婦鞞陀提。如是有大
名稱。流布諸方。居士婦鞞陀提。忍辱堪耐溫
和善。制善定善息。我今寧可試。大家居士婦
鞞陀提。爲實。瞋爲實。不瞋耶。於是黑婢卧不
早起。夫人呼曰。黑婢何不早起耶。黑婢聞已
便作是念。我大家居士婦鞞陀提。實瞋。非不
瞋也。但因我善能料理家業。善經營。善持。故
令我大家居士婦鞞陀提。如是有極大名稱。
流布諸方。居士婦鞞陀提。忍辱堪耐溫。和善
制善定善息。我今寧可復更大試。大家居士

婦鞞隨提爲實瞋爲實不瞋耶於是黑婢卧
極晚不起夫人呼曰黑婢何以極晚不起耶
黑婢聞已作是念我大家居士婦鞞隨提實
瞋非不瞋也但因我善能料理家業善經營
善持故今我大家居士婦鞞隨提如是有極
大名稱流布諸方居士婦鞞隨提忍辱堪耐
溫和善制善定善息耳我今寧可復更極大
試大家居士婦鞞隨提爲實瞋爲實不瞋耶
於是黑婢卧至晡時乃起夫人呼曰黑婢何
以乃至晡時起旣不自作亦不教作此黑婢
不隨我教此黑婢輕慢於我便大瞋恚而生
尊族額三脉起皴面自往閉戶下關手執大

杖以打其頭頭破血流於是黑婢頭破血流
便出語比隣訟聲紛紜多所道說尊等見是
忍辱行人堪耐溫和善制善定善息行耶罵
我曰黑婢何以乃至晡時起既不自作亦不
教作此黑婢不隨我教此黑婢輕慢於我便
大瞋恚而生憎嫉額三脉起皴面自來閉戶
下關手執大杖以打我頭頭破血流尔時居
士婦鞞陀提如是便有極大惡名流布諸方
居士婦鞞陀提惡性急弊鹿獷不定不制不
息如是或有一善護善逝行者謂因他無惡
語言也若他不惡語言者便不瞋恚亦不憎
嫉不憂纏任不增瞋恚不發露惡彼諸比丘

見已便作是念此賢者忍辱温和堪耐善制
善定善息若他惡語言者便瞋恚憎嫉而憂
纏任憎恚發惡彼諸比丘見已便作是念此
賢者惡性急弊麁獷不定不制不息復次有互
言道若他說者或時或非時或真或非真或
軟或堅或慈或恚或有義或無義汝等此互
言道若他說時或心變易者或口惡言者我
說汝等因此必衰汝等當學此互言道若他
說時心不變易口無惡言向怨家人緣彼起
慈愍心心與慈俱遍滿一方成就遊如是二
三四方四維上下普周一切心與慈俱無結
無怨無恚無諍極廣甚大無量善修遍滿一

切世間成就遊如是悲喜心與捨俱無結無
怨無恚無諍極廣甚大無量善修遍滿一切
世間成就遊汝等當學如是猶如有人持大
鐮鋤來而作是語我能令此大地使作非地
彼便處處掘復掘唾尿汗之說惡語言作如
是說令大地非地於意云何彼人以此方便
能令此大地作非地耶諸比丘荅曰不也世
尊所以者何此大地甚深極廣而不可量是
故彼人以此方便不能令此大地使作非地
世尊但使彼人唐自疲勞也如是此互言道
若他說者或時或非時或真或不真或軟或
堅或慈或恚或有義或無義汝等此互言道

若他說時或心變易者或口惡言者我說汝
等因此必衰汝等當學此互言道若他說時
心不變易口無惡言向言說者緣彼起慈愍
心心行如地無結無怨無恚無諍極廣甚大
無量善修遍滿一切世間成就遊汝等當學
如是猶如有人持大草炬作如是語我以此
草炬用熱伽水令作沸湯於意云何彼人
以此方便能令伽水熱作沸湯耶諸比丘
荅曰不也世尊所以者何世尊彼伽水甚
深極廣不可度量是故彼人以此方便不能
令伽水熱使作沸湯世尊但使彼人唐自
疲勞也如是此互言道若他說者或時或非

時或真或不真或軟或堅或慈或恚或有義
或無義汝等此互言道若他說時或心變易
者或口惡言者我說汝等因此必衰汝等當
學此互言道若他說時心不變易口無惡言
向言說者緣彼起慈愍心心行如恒伽水無
結無怨無恚無諍極廣甚大無量善修遍滿
一切世間成就遊汝等當學如是猶如畫師
畫師弟子持種種彩來彼作是說我於此虛
空畫作形像以彩莊染於意云何彼畫師畫
師弟子以此方便寧能於虛空畫作形像以
彩莊染耶諸比丘荅曰不也世尊所以者何
世尊此虛空非色不可見無對是故彼畫師

畫師弟子以此方便不能於虛空畫作形像
以彩莊染世尊但使彼畫師畫師弟子唐自
疲勞也如是此互言道若他說者或時或非
時或真或不真或軟或堅或慈或恚或有義
或無義汝等此互言道若他說時或心變易
者或口惡言者我說汝等因此必衰汝等當
學以互言道若他說時心不變易口無惡言
向言說者緣彼起慈愍心心行如虛空無結
無怨無恚無諍極廣甚大無量善修遍滿一
切世間成就遊汝等當學如是猶如猫皮囊
柔治極軟除碗碗聲無碗碗聲彼或有人以
手拳杖石擲杖打或以刀斫或撲著地於意

云何彼猫皮囊柔治極軟除而破聲無破破
聲彼寧復有破破聲耶諸比丘荅曰不也世
尊所以者何世尊彼猫皮囊柔治極軟除而
破聲無破破聲是故無復有破破聲如是諸
比丘若有他人拳扱石擲杖打刀斫汝等若
爲他人拳扱石擲杖打刀斫時或心變易者
或口惡言者我說汝等因此必衰汝等當學
若爲他人拳扱石擲杖打刀斫時心不變易
口不惡言向捶打人緣彼起慈愍心心行如
猫皮囊無結無怨無恚無諍極廣甚大無量
善修遍滿一切世間成就遊汝等當學如是
若有賊來以利鋸刀節節解截汝等若有賊

來以利鋸刀節節解截時或心變易者或口惡
言者我說汝等因此必衰汝等當學若有賊
來以利鋸刀節節解截心不變易口無惡言
向割截人緣彼起慈愍心心與慈俱遍滿一
方成就遊如是二三四方四維上下普周一
切心與慈俱無結無怨無恚無諍極廣甚大
無量善修遍滿一切世間成就遊如是悲喜
心與捨俱無結無怨無恚無諍極廣甚大無
量善修遍滿一切世間成就遊汝等當學如
是於是世尊嘆諸比丘曰善哉善哉汝等當
數數念利鋸刀喻沙門教汝等數數念利鋸
刀喻沙門教已汝等頗見他不愛惡語言向

我我聞已不堪耐耶諸比丘荅曰不也世尊
世尊復歎諸比丘曰善哉善哉汝等當數數
念利鋸刀喻沙門教汝等數數念利鋸刀喻
沙門教已若汝遊東方必得安樂無衆苦患
若遊南方西方北方者必得安樂無衆苦患
善哉善哉汝等當數數念利鋸刀喻沙門教
汝等數數念利鋸刀喻沙門教已我尚不說
汝諸善法住況說衰退但當晝夜善法而不
衰退善哉善哉汝等數數念利鋸刀喻沙門
教汝等數數念利鋸刀喻沙門教已於二果
中必得其一或於現世間究竟智或復有餘
得阿那含佛說如是彼諸比丘聞佛所說歡

喜奉行

牟犁破群那經第二竟
五千三百五十六字

中阿含經卷第五十

七千八百二十十字

清

唵帝

上正作唵音茶

阿恕

下音和

捷若

下而者反

豹豹

必白反上

非下羅

碑音

睽

反失

掣電

又昌制反

秃

反他谷

括二骨

反下涕

唾

上音替

筋力

斤上音

瞎

反呼

擗

反畎祭

崩崩

下二同

栖

止音西

滌

滴音

轡

秘音

反黠慧

八上開

鋤糞

上音

漑灌

上音

拔

反皮

八音

及撓除

上正作

呼

高反

曲戾

下音

拔

反皮

八音

作刮音

落

耐

反及

鞞

反步

料理

上音

而

炬音

猫

一音

苗

鐸

下七

遙

反及

撲

反音

喜奉行

牟犁破群那經第二竟

五千三百五十六字

中阿含經卷第五十

七千八百二十十字

青

唵帝

上正作唵音茶

阿恕

下音和

捷若

下而者反

豹豹

必白反上

非下羅

音碑

睽

失染反

掣電

上昌烈反又昌制反

秃

他谷反上

下骨二反涕唾

上音替

筋力

斤上音

瞎

呼捌反

弊

眈祭崩崩

下二同正

栖

音西也

沛

音滴

音秘執策

點慧

上開八反

鋤糞

上床反

漑灌

上音古

執

下高反

撓除

上呼正作

曲度

下要反

拔

皮反

洛洽

上正

作刮音落

耐

奴代反

鞞

步迷反

料理

上音寮

下音持

耐

及

鞞

下七

遙

反

撲

音據

炬

音

猫

莫交反

鐸

上戶反

遙

反

撲

音據

